

Earraí Caipitil TFC a cheannach as Airgead Deontais TFC a Fuarthas

(An nuashonrú is deireanaí ar an gcáipéis seo: Lúnasa 2024)

1. Réamhrá

Ba cheart caiteachas deontais TFC a ailíniú le haidhmeanna agus cuspóirí aitheanta Phlean Foghlama Digiteach na scoile agus próisis Féinmheastóireachta na Scoile.

Is féidir an deontas TFC a infheistiú i réimse teicneolaíochta a chaithfear a aicmiú mar earraí caipitil nó neamhchaipitil ó thaobh na cuntasaíochta de. Féach thíos samplaí d'earraí caipitil agus d'earraí neamhchaipitil.

Míreanna Neamhchaipitil

- Uirlisí néalbhunaithe agus feidhmchláir bogearraí chun tacú leis an bhfoghlaim.
- Ardáin foghlama – is feidhmchláir néalbhunaithe iad seo de ghnáth a úsáidtear chun tacú leis an bpróiseas teagaisc agus foghlama.

Ar chuid de na hardáin agus na huirlisí foghlama is coitianta atá á n-úsáid ag scoileanna tá Google G Suite for Education (lena n-áirítear Google Classroom) nó Microsoft Office 365/Teams, Apple, Schoology, Edmodo, Schoolwise, KhanAcademy, Zoom, ClassDojo agus Seesaw.

Féach *Cur Chuige Cuntasaíochta Uimh. 10 maidir le Ceannach Earraí Neamhchaipitil TFC* as Airgead Deontais TFC a Fuarthas.

Earraí Caipitil

- Ríomhairí deisce, ríomhairí glúine, táibléid nó gléasanna hibrídeacha
- Teilgeoirí, cláir bhána, scáileáin idirghníomhacha
- Nascacht leathanbhanda agus idirlín feabhsaithe

2. Cur Chuige Cuntasaíochta i leith TFC Caipitil

Leagtar amach thíos na cóid ainmniúla atá le húsáid chun cuntas a thabhairt ar an deontas a fuarthas, ar chaitheamh an deontais agus ar aon iarmhéid nár caitheadh.

2.1 Nuair a fhaightear an t-ioncam deontais

Gníomh	DR/CR	Cód Ainmniúil	Cur Síos
Airgead Deontais a Fháil	DR	1800	Cuntas Reatha 1 Sócmhainn Reatha
	CR	2165	Deontas TFC gan chaitheamh Dliteanas Reatha

2.2 Nuair a dhéantar an t-earra a cheannach

Gníomh	DR/CR	Cód Ainmniúil	Cur Síos
An t-earra a cheannach	DR	1461	Caipiteal: Breiseanna TFC Sócmhainn Sheasta
	CR	1800	Cuntas Reatha 1 Sócmhainn Reatha
Gníomh	DR/CR	Cód Ainmniúil	Cur Síos
An deontas a caitheadh a aistriú chuig na Cúlchistí Caipitil	DR	2165	Deontas TFC gan chaitheamh Dliteanas Reatha
	CR	3921	Ioncam Caipitil ó Dheontais TFC RO Caipiteal agus Cúlchistí

2.3 Amúchadh an Deontais TFC

Teicníc chuntasaíochta is ea an t-amúchadh a úsáidtear chun an luach deontais de réir na leabhar a íslíú go tréimhsiúil thar thréimhse áirithe ama.

Déanfar an deontas TFC a aithnítear mar dheontas caipitil thuas a aithint sa Tuarascáil Ioncaim agus Caiteachais ar bhonn córasach. Moltar gur chóir an caiteachas deontais a amúchadh thar 3 bliana.

Dhéanfadh cuntasóir/iniúcháir seachtrach na scoileanna na deontais a amúchadh ag deireadh na bliana.

Gníomh	DR/CR	Cód Ainmniúil	Cur Síos
Deontas TFC a amúchadh	DR	3926	Ioncam ó Amúchadh Carntha ón Deontas TFC Caipitiúil Caipiteal agus Cúlchistí
	CR	3226	Amúchadh Deontas TFC ón RO Ioncam

Nóta 1: Beartas Amúchta – déantar deontais a amúchadh thar 3 bliana

2.4 Dímheas Caiteachais Caipitil ar TFC

Teicníc chuntasaíochta is ea an dímheas a úsáidtear chun luach caiteachais caipitil de réir na leabhar a íslíú go tréimhsiúil thar thréimhse áirithe ama.

Déanfar caiteachas caipitiúil an deontais TFC a aithint sa Tuarascáil Ioncaim agus Caiteachais ar bhonn córasach. Moltar gur chóir an caiteachas deontais a dhímheas thar thréimhse 3 bliana.

Dhéanfaidh cuntasóir/iniúcháir seachtrach na scoile dímheas an chaiteachais chaipitiúil TFC ag deireadh na bliana.

Gníomh	DR/CR	Cód Ainmniúil	Cur Síos
TFC a dhímheas	DR	8060	Dímheas Bliantúil:Caiteachas TFC
	CR	1471	Dímheas: TFC sa Bhliain Reatha Sócmhainn Sheasta

Nóta 2: Beartas Dímheasa TFC - déantar earraí a dhímheas thar 3 bliana

2.5 Cuntas ar an deontas nár caitheadh

Is deontas imfhálaithe é an deontas TFC agus ní mór an t-iarmhéid nár caitheadh ag deireadh na bliana a réiteach agus cuntas a thabhairt air faoin gcód ainmniúil 2165 Deontas TFC gan Chaitheamh.